



SLUŽBENE NOVINE

KANTONA SARAJEVO

Godina XXI – Broj 24

Četvrtak, 16. juna 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo Komisija za sigurnost

Na osnovu člana 63., a u vezi sa čl. 60. i 61. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16), uz saglasnost Zakonodavno-pravne komisije Skupštine Kantona Sarajevo, broj 01-05-21032-5/16 od 13.06.2016. godine, Komisija za sigurnost Skupštine Kantona Sarajevo donosi

UPUTSTVO

O SADRŽAJU I VRŠENJU SKUPŠTINSKOG NADZORA NAD ZAKONITOŠĆU RADA MINISTARSTVA UNUTRAŠNJIH POSLOVA KANTONA SARAJEVO I UPRAVE POLICIJE

POGLAVLJE I - OPĆE ODREDBE

Član 1.

(Predmet Uputstva)

Ovim uputstvom uređuju se: sadržaj, način i postupak vršenja nadzora nad zakonitošću rada Ministarstva unutrašnjih poslova Kantona Sarajevo (u daljem tekstu: Ministarstvo) i Uprave policije, pripreme za vršenje nadzora, te podnošenje izvještaja o izvršenom nadzoru.

Član 2.

(Nadzor)

Poslove nadzora iz člana 1. ovog uputstva vrši radno tijelo Skupštine Kantona Sarajevo nadležno za sigurnost, u skladu sa odredbama člana 60. i 61. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) (u daljem tekstu: Zakon).

POGLAVLJE II - SKUPŠTINSKI NADZOR

Član 3.

(Način vršenja skupštinskog nadzora)

- (1) Skupštinski nadzor vrši organ iz člana 2. ovog uputstva na način da:
 - a) razmatra izvještaj i informacije ministra Ministarstva i komesara Uprave policije,
 - b) obavlja razgovor sa ministrom Ministarstva i komesarom Uprave policije i,
 - c) ako ocijeni potrebnim, mogu izvršiti neposredni uvid u akte i predmete, odnosno dokumentaciju Ministarstva i Uprave policije.

- (2) Prilikom vršenja nadzora iz stava (1) tačka c) ovog člana, Ministarstvo i Uprava policije dužni su radi vršenja nadzora dati na uvid tražene podatke, spise i dokumentaciju, kao i potrebna objašnjenja u zahtijevanom roku.

Član 4.

(Prikupljanje i obrada podataka)

Skupštinski nadzor iz člana 3. ovog uputstva osigurava radno tijelo Skupštine Kantona Sarajevo nadležno za sigurnost da prikupi i obradi informacije, podatke i analize koje su potrebne radi davanja mišljenja, prijedloga mjera, te drugih vrsta uputa na pitanja iz nadležnosti rada radnog tijela Skupštine Kantona Sarajevo nadležno za sigurnost, a koja u okviru redovnih poslova u skladu sa zakonom i drugim propisima vrši Ministarstvo i Uprava policije.

Član 5.

(Poziv na razgovor ministru MUP-a i komesaru Uprave policije)

- (1) Pored razmatranja izvještaja i informacija ministra Ministarstva i komesara Uprave policije, shodno odgovarajućim odredbama Zakona, radno tijelo iz člana 2. ovog uputstva može obaviti razgovor sa ministrom, odnosno komesarom Uprave policije, a u cilju predlaganja mjera i davanja mišljenja iz nadležnosti radnog tijela Skupštine Kantona Sarajevo nadležnog za sigurnost utvrđenih Zakonom i Poslovníkom Skupštine Kantona Sarajevo.
- (2) Razgovor iz stava (1) ovog člana, vrši se u prostorijama Skupštine Kantona Sarajevo.
- (3) Radno tijelo iz člana 2. ovog uputstva dužno je dostaviti pismeni poziv ministru, odnosno komesaru Uprave policije najmanje sedam dana prije održavanja razgovora.
- (4) Ako ministar, odnosno komesar Uprave policije nije u mogućnosti odazvati se na razgovor, dužan je o tome pismeno obavijestiti radno tijelo, a najmanje tri dana od dana koji je određen za održavanje razgovora.
- (5) Drugi termin za razgovor utvrđuje se usmeno koji se potvrđuje zapisnikom i ministar, odnosno komesar Uprave policije dužni su prisustvovati tom razgovoru, bez odlaganja.
- (6) Izuzetno, u skladu sa dogovorom sa radnim tijelom iz člana 2. ovog uputstva i ako to zahtijeva tema i priroda razgovora, razgovoru se, umjesto ministra i komesara Uprave policije, može odazvati drugo lice koja raspolaže stručnim znanjima koja odgovaraju temi i prirodi razgovora. Ministar, odnosno komesar Uprave policije ne može samoinicijativno odrediti drugo lice da se odazove razgovoru sa radnim tijelom iz člana 2. ovog uputstva.

Član 6.

(Uvid u akte i predmeta)

- (1) Kada radno tijelo iz člana 2. ovog uputstva ocijeni potrebnim, pored skupštinskog nadzora propisanog u članu 5. ovog uputstva, mogu izvršiti neposredni uvid u akte i predmete, odnosno dokumentaciju Ministarstva i Uprave policije.
- (2) Radno tijelo iz člana 2. ovog uputstva ili članovi koje radno tijelo iz člana 2. ovog uputstva odredi, o izvršenom uvidu sačinjavaju zapisnik koji potpisuje i prisutno službeno lice Ministarstva, odnosno Uprave policije.
- (3) Uz zapisnik se mogu kopirati i određeni dokumenti koji postaju sastavni dio zapisnika.
- (4) Ako su neposredni uvid u akte i predmete, odnosno dokumentaciju izvršili članovi koje je odredilo radno tijelo iz člana 2. ovog uputstva, dužni su predati zapisnik predsjedniku radnog tijela iz člana 2. ovog uputstva odmah, nakon čega predsjednik radnog tijela iz člana 2. ovog uputstva zakazuje sastanak radnog tijela najkasnije u roku od 15 dana od dana prijema zapisnika.

Član 7.

(Donošenje zaključaka i davanje mišljenja)

- (1) O provedenom nadzoru iz čl. 5. i 6. ovog uputstva, nadležno tijelo iz člana 2. ovog uputstva donosi zaključke, daje mišljenja i prijedloge, te predlaže mjere u kojima su sadržane smjernice radi otklanjanja nedostataka i nejasnoća utvrđenih provedenim nadzorom iz čl. 5. i 6. ovog uputstva.
- (2) Akte iz stava (1) ovog člana, radno tijelo iz člana 2. ovog uputstva donosi u skladu sa nadležnostima utvrđenim Zakonom i Poslovníkom Skupštine Kantona Sarajevo.
- (3) Shodno ovlaštenjima iz člana 62. Zakona, radno tijelo iz člana 2. ovog uputstva podnosi izvještaj o izvršenom nadzoru Skupštini Kantona Sarajevo u roku od 30 dana od dana okončanog nadzora.

POGLAVLJE III - NADZOR PUTEM AD HOC TIJELA

Član 8.

(Formiranje ad hoc tijela)

- (1) Ako radno tijelo iz člana 2. ovog uputstva, nakon ukazane potrebe i činjenica, smatra da nije moguće utvrditi pravilno i potpuno činjenično stanje na osnovu kojih bi riješili pitanje iz svoje nadležnosti, može odlučiti da o određenim pitanjima bude provedena istraga i obavljeno saslušanje svjedoka, odnosno drugih osoba, kao i da budu izvedeni drugi dokazi potrebni za utvrđivanje bitnih činjenica.
- (2) Istragu iz stava (1) ovog člana vrši ad hoc tijelo koje se formira za svaki konkretni slučaj.
- (3) Članovi ad hoc tijela se imenuju sa Liste eksperata iz pojedinih oblasti koju odredi radno tijelo nadležno sa sigurnost, u skladu sa članom 61. Zakona.
- (4) Lista eksperata se utvrđuje posebnom procedurom, shodno odredbama člana 61. stav (3). Zakona.

Član 9.

(Pokretanje istrage)

- (1) Istraga se provodi na način da se po dobijenim saznanjima (anonimno, javno, putem medija i sl.) za određene nepravilnosti u radu Ministarstva i Uprave policije, te na prijedlog predsjedavajućeg ili članova radnog tijela Skupštine Kantona Sarajevo nadležnog za sigurnost donosi zaključak o pokretanju istrage i formiranju ad hoc tijela za vršenje konkretnog nadzora po dobijenim saznanjima o radnjama koja nisu u skladu sa zakonskim procedurama.
- (2) Radno tijelo iz člana 2. ovog uputstva, analizira prijavu i ako ocijeni prijavu osnovanom, formiraju ad hoc tijelo i popunjavaju ga sa Liste eksperata shodno tom predmetu na koji treba da se izvrši nadzor.

- (3) Po formiranju ad hoc tijela, vrši se neposredni nadzor u prostorijama Ministarstva i Uprave policije, putem neposrednog uvida u dokumentaciju, spise i akte, a po potrebi i usmeno saslušanje odgovornih osoba i svjedoka.
- (4) O neposrednom uvidu se sačinjava zapisnik koji potpisuje i prisutno službeno lice ministarstva, odnosno Uprave policije.

Član 10.

(Postupanje po okončanom nadzoru)

- (1) Po okončanom nadzoru i na osnovu zapisnika, ad hoc tijelo donosi prijedlog mjera o konkretnom slučaju i dostavlja ga nadležnom radnom tijelu iz člana 2. ovog uputstva koja ga je imenovala, na razmatranje.
- (2) Radno tijelo iz člana 2. ovog uputstva, razmatra izvještaj ad hoc tijela i prosljeđuje ga Skupštini Kantona Sarajevo, radi informisanja.
- (3) Prilikom razmatranja izvještaja iz stava (2) ovog člana, radno tijelo postupa u skladu sa članom 7. ovog uputstva.

POGLAVLJE IV - PRELAZNE I ZAVRŠENE ODREDBE

Član 11.

(Okončanje ranije pokrenutog nadzora)

Pitanja koja se odnose na skupštinski nadzor pokrenuta do donošenja ovog uputstva, okončat će se prema odredbama ovog zakona.

Član 12.

(Stupanje na snagu)

Ovo uputstvo stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-1759-6-3/16
13. juna 2016. godine
Sarajevo

Predsjedavajući
Komisije za sigurnost
Skupštine Kantona Sarajevo
Elvedin Okerić, s. r.

Ministarstvo privrede

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 12. stav (1) tačka a) Zakona o poticaju razvoja male privrede ("Službene novine Kantona Sarajevo", broj 29/15), člana 6. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", broj 17/16) i Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodilac kantonalnog organa državne službe ("Službene novine Kantona Sarajevo", broj 21/09 - Prečišćeni tekst, 19/12, 26/14 i 44/14), ministar Ministarstva privrede Kantona Sarajevo donosi

RJEŠENJE

O IMENOVANJU KOMISIJE ZA IZBOR KORISNIKA
POTICAJNIH GRANT SREDSTAVA

I

Imenuju se članovi komisije koja ima zadatak da, u skladu sa odredbama Pravilnika, Odluke o usvajanju Programa utroška sredstava ("Službene novine Kantona Sarajevo", broj 20/16) i Javnog poziva, izvrši izbor korisnika poticajnih grant sredstava sa područja Kantona Sarajevo, za 2016. godinu (u daljem tekstu: Komisija) u sastavu:

1. Vištica Bruno, dipl. ecc., predsjednik,
2. Azra Ahmespahić, dipl. pravnik, član,
3. Budnjo Sabrina, dipl. ecc., član i
4. Mikavica Sanja, sekretar komisije.

II

Zadatak Komisije je da u skladu sa Zakonom i Pravilnikom obavli poslove iz tačke I ovog rješenja, sačini Izvještaj o svom radu, sa prijedlogom korisnika i iznosa za dodjelu poticajnih grant sredstava, te isti dostavi Ministru, u roku od 60 dana od dana donošenja ovog rješenja.